

VENDIM
Nr. 46, datë 19.9.2016

**PËR SHPËRNDARJEN E FINANCIMIT PËR PROJEKTE RAJONALE, THIRRJA I,
PËR VITIN 2016, TË DREJTIMIT “KOHEZIONI TERRITORIAL DHE ZHVILLIMI
RAJONAL”, TË GRANTIT “INFRASTRUKTURA VENDORE DHE RAJONALE”,
PROGRAMI “ZHVILLIMI I INFRASTRUKTURËS VENDORE DHE RAJONALE”,
SHTYLLA I**

Në mbështetje të nenit 100 të Kushtetutës dhe të nenit 15, të aneksit 3, të ligjit nr. 147/2015, “Për buxhetin e vitit 2016”, Komiteti për Zhvillimin e Rajoneve

VENDOSI:

1. Shpërndarjen e financimit për projekte të reja, thirrja I, për vitin 2016, për drejtimin “Kohezioni territorial dhe zhvillimi rajonal”, granti “Infra-struktura vendore dhe rajonale”, programi “Zhvillimi i infrastrukturës vendore dhe rajonale”, shtylla I, sipas tabelës 1 bashkëlidhur këtij vendimi.

2. Të gjitha autoritetet kontraktuese, projektet e të cilave miratohen për t’u financuar sipas pikës 1 të këtij vendimi, brenda një jave nga data e publikimit të tij në Fletoren Zyrtare, duhet të paraqesin në sekretariatit teknik, pranë Ministrisë së Zhvillimit Urban, kalendarin me të gjitha afatet e parashikuara për fazat e prokurimit publik dhe të zbatimit të punimeve të ndërtimit e përdorimit të fondeve, si dhe emrin e personit përgjegjës për informimin periodik.

3. Autoritetet kontraktuese për projektet, sipas pikës 1 të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e punimeve të ndërtimit përpara fundit të tremujorit të katërt të vitit 2016. Për fondet e projekteve të paprokuara sipas këtij afati, Komiteti për Zhvillimin e Rajoneve ka të drejtën të rishqyrtojë financimin dhe t’i rishpërndajë ato.

4. Ngarkohet sekretariati teknik në Ministrinë e Zhvillimit Urban, të kryejë monitorimin e ecurisë së përdorimit të fondeve sipas kalendarit të paraqitur nga autoritetet kontraktuese, në përputhje me pikën 2 të këtij vendimi, dhe të informojë Ministrinë e Financave dhe, periodikisht, Komitetin për Zhvillimin e Rajoneve, nëpërmjet Sekretariatit të Përgjithshëm të Komitetit për Zhvillimin e Rajoneve.

5. Ngarkohen ministri i Zhvillimit Urban dhe ministri i Financave për zbatimin e këtij vendimi. Ky vendim hyn në fuqi pas botimit në Fletoren Zyrtare.

ZËVENDESKRYETAR
Niko Peleshi

Zëvendëskryeministri	Zëvendëskryetar;
Ministri i Financave	anëtar;
Ministri i Zhvillimit Ekonomik, Turizmit, Tregtisë dhe Sipërmarrjes	anëtar
Ministri i Zhvillimit Urban	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Bujqësisë, Zhvillimit Rural dhe Administrimit të Ujërave	anëtar;
Ministri i Shëndetësisë	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës së Bashkive të Shqipërisë /	
Përfaqësuesi i Bordit të Agjencisë për Zhvillim Rajonal nr.1	anëtar;
Kryetari i Shoqatës për Autonomi Vendore /	
Përfaqësuesi i Bordit të Agjencisë për Zhvillim Rajonal nr.2	anëtar;
Përfaqësuesi i Bordit të Agjencisë për Zhvillim Rajonal nr.3	anëtar;
Përfaqësuesi i Bordit të Agjencisë për Zhvillim Rajonal nr.4	anëtar.

Tabela 1. Lista e projekte të reja për financim, thirrja I, për vitin 2016, drejtimi "Kohezioni territorial dhe zhvillimi rajonal", nëpërmjet grantit të infrastrukturës vendore dhe rajonale, programi "Zhvillimi i infrastrukturës vendore dhe rajonale", shtylla I.

Nr.	Autoriteti Kontraktues	Emërtimi i projektit	Vlera e plotë e projektit (lekë)	Vlera e financimit për vitin 2016 (lekë)	Vlera e financimit për vitin 2017 (lekë)
1	Bashkia Maliq	Sistemim-asfaltim rruga kryqëzimi i rrugës Korçë- Bilisht (fshati Kuc)- Fshati Orman (Përfutues: Bashkia Maliq dhe Bashkia Korçë)	183 410 345	183 410 345	0
2	Agjencia e Zhvillimit Rajonal 2	Stimulim me interes turistik dhe promovim i ngritjes së interesit turistik - kulturor si shtigjet, udhët dhe itineraret turistike, në zonën Pellumbas - Shën Gjergj- Mali me Gropa- Bizë (NJQV Tirane) - Gur i Bardhë - Lugina e Vashës (NJQV Klos). (Përfutues: Bashkia Tirane dhe Bashkia Klos)	20 000 000	20 000 000	0
TOTALI			203 410 345	203 410 345	0

Shënim:

1. "Vlera e plotë e projektit" përfaqëson vlerën brenda së cilës caktohet fondi limit për prokurimin e zbatimit të projektit (kur nuk ka financim tjetër nga autoritetet kontraktuese). Kjo vlerë shërben si referencë për përlogaritjen e vlerës së financimit për vitin 2016 dhe "korrektohet" nga vlera e kontratës (pas prokurimit), pas nënshkrimit të saj. Fondi i përfshuar nga diferenca ndërmjet vlerës së projektit dhe vlerës së kontratës, pas nënshkrimit të kontratës, i shtohet portofolit të grantit të infrastrukturës vendore dhe rajonale, programi "Zhvillimi i infrastrukturës vendore dhe rajonale", shtylla I, e Fondit për Zhvillimin e Rajoneve, dhe rishpërndahet për financimin e projekteve të reja dhe/ose projekteve në vazhdim.

2. "Vlera e financimit për vitin 2016" tregon vlerën e financimit që vihet në dispozicion nga buxheti i Fondit për Zhvillimin e Rajoneve për vitin 2016.

3. "Vlera e financimit për vitin 2017" tregon diferencën e financimit të vlerës së kontratës me vlerën e financimit për vitin 2016.

4. Për projektet e financuara më sipër, në tabelën 1, të cilat gjejnë zbatim në zona me rëndësi për trashëgiminë kulturore, autoritetet kontraktuese do të zbatojnë projektet në bashkëpunim me Ministrinë e Kulturës, Institutin e Monumenteve të Kulturës, në përputhje me parashikimet e ligjit nr.9048, datë 7.4.2003, "Për trashëgiminë kulturore".

5. Për projektet e financuara më sipër, në tabelën 1, të cilat gjejnë zbatim pranë strukturave ujore dhe/ose lumenjve dhe/ose përrrenjve, autoritetet kontraktuese duhet të konsultohen për zbatimin e projektit me Ministrinë e Transportit dhe Infrastrukturës.